

In vhr
A. Johannis Evangelistae



MATER DOLOROSA

Univ. Bibl.
München



C H R I S T V S

S A L V S O R B I S :

P O N T I F E X S A N C T V S ,

Ex Libris I N N O C E N S , *Abbas*

I M P O L L V T V S , S E G R E G A T V S

s. i
u

P E C C A T O R I B V S .

S E U

V E C T I G A L E S V I N D I C I Æ
I N T E G E R R I M Æ E J U S I N N O C E N T I Æ .

Principibus convenientibus in unum adversus
Christum Domini

In Celeberrimo Archi-Episcopali Collegio Pragensi

Abbatiae oppositae oberaltlichg.

R. F. Gabriele Scheiber, Sac: Ord: Præmonst: Regiæ Ec-
clesiæ Montis Sion Canonico Regul: SS. Theologiæ in præfato
Collegio Auditore. XVIII. Martij.

Cum Licentia Superiorum.

Vetere-Pragæ, Typis Archi-Episcopalibus in Collegio S. Norberti
apud Wolfgangum Wickhart.

I P S I
D I L E C T O

P A T R I S F I L I O :

C A N D I D O

I N N O C E N T I A :

R U B I C U N D O

S P O N S O S A N G V I N U M

J E S U C H R I S T O :

F O N T I

P E R Q U I N Q U E F O N T E S

S A C R A T I S S I M O R U M

V U L N E R U M


P R O S A L U T E

H o m i n i s :

S A L I E N T I I N V I T A M

Æ T E R N A M.





ORATIO.



VBi sunt millia millium ministrantium Domino, & decies millies centena millia assistentium ei? (a) Ubi sunt plusquam duodecim legiones Angelorum? (b) Ubi adorantes Dominatio- nes? trementes potestates, cœlorumque virtutes? Clauserit olim Propheta, *cujus verbum quasi facula ardebat* (c) cœlum- nē plueret; claudere non potuit, quin omnis cœlica potestas presso Factori suo occurreret serva. *Attollite ergo portas Principes vestras, & elevamiui por- tæ æternales,* (d) subvenite sancti Dei, occurrite Angeli. *Ergo nē cœlum factum est aneum?* (e) *aperiatur terra!* Ubi sunt ad portentum cibatorum hominum quinque millia? (f) Ubi ille Deum hominem, nunc *novissimum virorum*, tunc cum jubilo Solymam invehens exercitus? (g) Ubi numerosissima illa, irru- ens in JESUM, comprimens, terramque cum mari vertere compellens turba? (h) Ubi demum, vel ille pusillus grex, parvula illa mundatorum decas? (i) Sed nec ille *alienigena regreditur!* *Non est inventus, qui rediret.* *Cœlum quasi aneum & terra ferrea!* Illi, qui *fecit homini adjutorium simile sibi* (k) non est adjutor! Denique recurrit illa Thaborea visio: *Neminem viderunt, nisi solum JESUM.* (l) Intendit tandem querelis meis hucusque surda ter- ra, graviterque pro redimendo homine laboranti Deo submittit disci- pulorum triadem; Sed quid? *Invenit eam dormientem: sic non potuistis unâ horâ vigilare mecum?* (m). Afflicto vigilar, solatium dormit! *Video & Cœlos apertos,* descendit unus de Principibus, sed quid? Afflicto addi- tur afflicto; porrecto sibi amarissimæ passionis calice ad fundum usque cum horripilatione exhauriendo *tristis est anima ejus usque ad mortem, & jam factus est in agonia.* Hinc desertus plorans plorat in nocte, & non jam lachrymæ, sed sudor velut guttæ sanguinis decurrentis in terram, in maxillâ

A 2

ejus

(a) Dan. 7. 10. (b) Matth. 26. 53. (c) Ecclesiastici 48. 1. (d) Ps. 23. 7. (e) Deut. 28. 23.
 (f) Joan. 6. (g) Matth. 21. (h) Luc. 5. (i) Luc. 17. (k) Genes. 2. 18. (l) Matth. 17.
 (m) Matth. 26. 40.

ejus : Non est qui consoletur eum ex omnibus charis ejus : omnes amici ejus spreverunt eum, & facti sunt ei inimici. (n) Audio : O vos omnes, qui transitis per viam, attendite : (o) gaudium mœret, succumbit fortitudo, exinanitur gloria, deseritur solatium universi. Attendite, *tempus meum propè est* (p) ut vincatur libertas, suppedanea fiat celsitudo, mancipetur Dominatio, Majestas exterminetur. Attendite : ligabitur immensitas, constringetur omnipotentia, decus abibit in propudium, conspicietis vermem non hominem Deum Hominem : Cœli terræque Dominus ibit in peripsema, Judex in reum, fons in sitim, lux in tenebras, vita omnium propediem in mortem, quia *hominem non habeo* (q). Deus Homo, pro homine homo, sine quo non esset homo, & à quo omnis homo, qui *illuminat omnem hominem venientem in hunc mundum* (r) non habet hominem qui ad defensionem ejus conspiciat. Quidni ergo pates, causamque inspicias ingente oculo, quem revelavit? An iterum tibi opus illo in clamato Ephetia ad excipiendam Innocentiam obturata auris, quam referavit? ut quid obmutescis pro causâ patrocínio lingua, quam resolvit? an iterum claudicas pro ferenda indemnitate inhumane pes quem solidavit? Et vos revivificata præcordia (excordia dixerim) num repetiistis vestrum pulverem, quò minus cordatè agatis ad Vivificatoris vestri absolutionem? Oculus cæcutit, obtunditur auris, mutescit lingua, jacet pes, cor est sine corde & vita pro tuenda Vita,

Tunc mea res agitur,

Compatientissimi AA,

paries cum proximus ardet,

cùmque consanguineum mihi ex decreto Patris, voluntatè Filij, & in comprehensibili cooperatione Spiritus sancti Verbum caro factum indolet: *Fratres mei elongaverunt se à me, & noti mei quasi alieni recesserunt à me.* An Justissimæ Assertoris causæ humeros subjicio? sacrum inter & saxum hæreo, utrâque lance fluctuo, trahor & retrahor. Trahit hinc facerrimo fascino, & validissimo Magnetismo Incarnata Innocentia; retrahit inde dubia sæpè sæpius Patronorum causæ in Judicijs alea. Sæpè cadit victus putatus victor. Sæpè *percusso pastore disperguntur oves* (s) dum lites transeunt in Judicium Pascua, nec hamus ullibi reperitur felicitior quàm in turbido. Et auream causam in fumum vaporasse constat. Non semel Judex parti

PRO

(n) *Thren.* l. 2. (o) *Thren.* l. 11. (p) *Matth.* 26. 18. (q) *Joan.* 5. 7. (r) *Joan.* 1.

(s) *Matth.* 26. 31.



pro petra monstravit arenam, & arundinem in deserto. (r) Prandetur misere ubi oculi affluunt Judici, aqua clienti & Advocato. Infelix conflictus, ubi aurum obliquat chalybem Themidis, &

Mutnegra cum murva faciunt rectissima curva :

nec sterilius unquam messum est, quam ubi *granum* Juris cecidit *secuiviam*. (u) Trahor, dum nocentissimi Judices Innocentiam, iniquissimi aequitatem, pessimi Bonitatem summam condemnatum eunt. Trahor, nam si leviori obstrictum crimine DEI Filium insimularent, si minus consentaneis honestati moribus incessisse taxarent, si in supremo virtutis apice non semper stetit reprehenderent, omnis tamen ejusmodi blasphema criminatio validissimis arietibus foret retundenda; nunc verò audit scelestorum Alpha, maleficorum primipilus, peccatorum Antesignanus. Trahor, dum sic ogganiunt in Hominem supra censum omnium hominum constitutum, in Hominem Deum, Deique Filium, quasi Pater simul in hoste, simulque in Filio sibi bene complacuisse. (w) Retrahor, nam quæ sunt partes meæ: in quo authoritatis tantæ nihil quantam causa hæc exposcit, usus mediocris, ingenium minimè par voluntati. Ast ut ut sit: dum multitudo operantium iniquitatem intendit arcum, ut sagittet in oculis immaculatum, firmatque sibi sermonem nequam: dum scrutatur iniquitates, sed deficit scrutans scrutinio: (x) non expedit temulento pede nutare jus, nec ad ultimam usque Thulem relegari Justitiam. Persequar hostes Innocentiæ, & non convertar donec desiciant, (y) & inimici ejus terram lingant (z). Ingredior causam, non ut Innocentiam JESU perpiciam reddam, quæ se solâ sufficiens est ad causæ suæ patrociniū, sed, ut nefasti Hebræorum Judicij, iniquissimique Processus rationem Vobis AA. Benevolentissimi ob oculos statuam: pro quo addictissimam Vestram expeto patientiam.

Nunc venerunt peccata tua, ingratiſſima Synagoga, quæ operaberis, judicans judicia injusta, innocentes opprimens, & dimittens noxios, (a) dicente Domino, Innocentem & Justum non interficies. (b) An aures habes, & non audis illud: Absque peccato, & innocens ego sum? (c) an adeò hospes es in sacro eloquio, ut nescias in caput tuum prædictum illud: Justi lætabuntur, & innocens subsannabit eos. (d) Ast surdus canitur fabula. Ecce Judas unus de duodecim venit, & cum eo turba multa cum

A 3

ENR

(t) Matth. 11. (u) Luc. 8. (w) Math. 17. (x) Psal. 63. (y) Psalm. 17. 38.

(z) Ps. 71. 9. (a) Dan. 13. 52. 53. (b) Exod. 23. 7. (c) Jerem. 2. 35.

(d) Job; 22. 19.

cum gladijs & fustibus missi à Principibus sacerdotum & senioribus populi. Quàm injustus processus! quàm crassa citatio, non citatio, sed violenta aggressio, imò stultissima contra omnem Juris ordinem, à capite processus executio! *Citatio violenta & publica tunc locum habet, cum privata non sufficit,* (e) quâ neglectâ nemo *oborto collo* est rapiendus, nisi de fuga suspectus, aut contumax, aut conquisitis viribus *resistens potestati*. Innocentissimus JESUS nec somniat fugam; *Quem queritis? ego sum: dixi vobis, quia ego sum.* Non subjacet contumaciæ labi: *Surgite eamus, ecce appropinquavit qui me tradet:* ex quo ipso luce meridianâ clarior fit Ejus innocentia, nam *spontanea rei presentatio innocentiam demonstrat.* (f) Et quæ producentur amabò conquisitæ ad resistendum vires? non vallatur armatorum manipulis, occurrit inermis, tribus tantummodò piscatoribus stipatur. Accusatur rubiginosus Petri de vagina cum brachiorum Martyrio eductus chalybs, quo percussit *Pontificis servum, & abscidit auriculam ejus dexteram?* Fecit hoc immaturus amor discipuli, non præceptum Magistrî; & non nisi refectione digna erat auris servi, quæ innocentia Domini non intendit: imò correctio gladium in vaginam repulit: *Mitte gladium in vaginam, omnes enim qui acceperint gladium, gladio peribunt: Calicem, quem dedit mihi Pater, non bibam illum? an putas, quia non possum rogare Patrem meum, & exhibebit mihi modo plusquam duodecim legiones Angelorum?* O pulchram, nitentem jure, legibusque vestitam citationem! *tanquam ad latronem existis cum gladijs & fustibus comprehendere me: quotidie apud vos sedebam docens in templo, & non me tenuistis: sed hæc est hora vestra, & potestas tenebrarum.* Inspectâ justissimâ scilicet citatione, in Eum se jam ampliante, cujus:

*Tuba mirum spargens sonum
Per sepulchra Regionum
Coget omnes ante Thronum:*

intendite in præclarum illud factæ citationis instrumentum. Pudet vel nefandi nomimis meminisse! quàm dexterè cum sinistro colludit Judicio, ut illidatur pes Justitiæ ad ruitam: *Quid vultis mihi dare, & ego eum vobis tradam? at illi constituerunt ei triginta argenteos.* (g) Liceat hic ad Rhadamænina tribunalia prurientem pedem sufflaminare, illudq; in lucem edere, quod dudum in absolutâ iniquitatis Parentem parturio. Hominem sibi quis (an monstrum) fingat, dum Iscariotem cogitat? non Christi, sed Diaboli

(e) *Gal. 1. observ. 51.* (f) *Cepoll. in consil. 31. n. 8.* (g) *Matth. 26. 15.*

Diaboli discipulum, Patriarcham Schifmarum, plexam Integritati tendiculum, membrum Antichristi, equum Satanæ substratum, linguam Erebi, caput in Orchestra sceleris, genimen viperarum, serpentis Paradisiæ toxicum, Deicidarum Coryphæum animo repræsentet: Hominem quis vult? velit, aut non alium, quàm omni malitiæ stigmatem cauteriatum, illum nempe, quem versatissimus Poëtæ peniculus ita exhibet:

Crine ruber, niger ore, brevis pede, lumine læsus. (h)

Crine rubrum, non optimum, sed pessimum (dum non datur medium) communis fert traditio. Digno eum vel natura notavit indicio, unde pateret, quo aliquando charactere foret insigniendus, nempe vel ipsa flammea coma jam flammaram gehennalium erat præfagium. *Ore nigrum* vultis? si quod nigrius os inveniri queat, quàm quod Magistrum prodidit, & in quod *post buccellam introivit Sarhanas*, (i) iudicete. *Brevis pede*, non uno fuit, sed utroque, *claudicavit enim in duas partes*: (k) Sic erat amicus Christo, nè hostibus esset inimicus: sic hostibus amicus, nè hypocrisis erga Magistrum suum detergeret colorem, dicens: *Ave Rabbi, & osculatus est eum*: (l) *Omne tamen punctum tulerit, remque acu tetigerit*, quisquis contenderit rectissimum fuisse in iniquitate. *Lumine læsum ex ore suo se iudicat servus nequam; peccavi, tradens sanguinem iustum*. (m) *Erravit elleboro dignus nundinator, infelix tenebrio a via veritatis, nec iustitiæ lumen luxit, nec sol intelligentiæ ortus est ei*. (n) Vel me tacente senties, Sapientissime Confessus, Iscariotis parricidale scelus caput & fontem esse, ex quo malorum omnium sentina in Deum hominem protuberavit, quid? ostiatim profluxit, quid? torrentis instar sese effudit. Illam Tartarei oris impressionem equum Trojanum dixerim, ex quo omnis hostilitas est egressa, quàm tecta, ram nociva. Fuit *Ilias in nuce*, tormentorum omnium *cornu copiæ*, quod se in populi barbariem, sacerdotum odium, in hypocriticam Pilati sævitiæ effudit. Ex hoc hebræus deprompsit odia, hic cudit satelles vincula, hinc duxit tortor flagra, miles coronam spineam, arundinem & sputa, fel & acetum, clavos & lanceam, omnes mortem. Tantum potuit unica Judæ prælata fax, cujus incendio Integerrimus Mariæ Filius tolleretur. Nimirum *feritas rumpit repagula dum habet ducem, Ducem Institorem Orcinum*. Rumpitur in murmur, dum Religiosissima Christi pedissequa fracto alabaistro ungit

(h) *Mart.* (i) *Joan. 13. 27.* (k) *3. Reg. 18. 21.* (l) *Matth. 26. 49.*

(m) *Matth. 27. 4* (n) *Sap. 5. 6.*

ungit misericordiam ad misericordiam : *Poterat venundari plusquam trecentis denarijs* : (o) & en ceromati cedit in pretio Cœlestis Archiater : *Quid vultis mihi dare ?* Non subhastat plus offerenti, sed vendit universi pretium quidquid offerenti, & hoc consummat osculo tam amaro, ut Christo ceteroquin patientissimè muto referârît lingvam : *Juda : osculo filium hominis tradis ?* O osculum virulentum, ob cujus memoriam primi nostræ Religionis lapides anniversariam diem jejuni extraxerunt, & sacrorum Antistites, divina inter, consveto pacis osculo abstinent. Osculo maritat inauditum scelus Veterator : *Quem osculatus fuero, ipse est, tenete eum,* (O horror) & *ducite cautè.* Quo loco (Deum Immortalem!) quo loco JESUS apud Judam? *Ducite cautè!* Professò Magister ei erat pro discipulo ex Schola Medææ, pro nepote Proserpinæ, pro incantatore, præstigiatore, Mago. Quid illud: cautè? audi fida armatorum cohors, *quidquid JESU portenti patravit, opitulanti orco consigna*; (p) nè ergo solitis sibi artibus vestras manus fallat, *ducite cautè.* Hinc autem empto tanti pœnitere serò *sapientem cum Phrygiis, relatis argenteis,* explosus per illud : *Quid ad nos, tu videris, concepto dolore peperit iniquitatem super iniquitatem,* (q) & infestino faviente conscientia bello, *abiens laqueo se suspendit.* Rectè proditorium guttur laqueus elisit. *Effuso viscere crepuit medius,* nè perduellis anima per os, sed ventrem abiret, ad inferna destinata. Renuente terrâ, resouente cœlo, volatilem in fide suscepit aër, aërearum collegam potestatum. *Sic abiit in locum suum, cui meliùs erat, si natus non fuisset.* Sic sic solitâ pœnâ plectit neglectum illud:

Quidquid agis, prudenter agas, & respice finem.

Finio, imò incipio; resonant catenæ, expediuntur vincula, panduntur funes & laquei: *comprehenderunt JESUM, & ligaverunt.* O funesta Catastrophe! O invisa Metamorphosis! O formidabile spectaculum! Ille qui venit educere de conclusione vincitum, de domo carceris sedentes in tenebris, (r) ligatur, stringitur, innodatur, oneratur, premitur, vincitur, cogitur:

Jam dare captivas in fera vincla manus. (s)

Jam flos campi, & lilium convallium (t) protritum in trivijs dabit odorem suum. Ast spectaculum jungitur spectaculo, quo arctius, hoc tristius:

Tunc

(o) *Marci 14.* (p) *Sic explicant mentem Jude Divi Hieron. Chrysof. & Beda.*

(q) *Pf. 7. 15.* (r) *Isaie 42. 7.* (s) *Ovid. 1. de Pont.* (t) *Cant. 2. 1.*

*Tunc discipuli omnes relicto eo fugerunt. Siftite gradum, ex catena & com-
pede, ex manicis, bojis, numellis Magistrum eripite, solvite funes, la-
xate laqueos. Aures habent & non audiunt; quos terror prohibet, lo-
quuntur fugâ: non est bonum nos hic esse. Denique non est hæc Thaboræa
visio, non resplendet Magistri facies sicut sol, pro nube lucida pullatur cælum,
& Pater tacet. Scilicet*

Tempore felici multi numerantur amici.

*Omnes fugerunt, nec est, qui cum sale vel uxorem Loth imitaretur. (u) Imò
erro: Petrus sequitur usque in atrium Principis sacerdotum. Benè habet, ille
præclarus Magistri encomiafles: Tu es Christus Filius Dei vivi: (w) Ille fi-
dissimus comes: Domine, ad quem ibimus? verba vitæ æternæ habes. (x) Ille
generosus sponfor: Domine tecum paratus sum & in carcerem & in mortem
ire: (y) Ille se præbebit clypeum pro Magistro. Sed vanè fortassis auguror,
quia sequitur à longè, imò fallor, sedet cum Ministris ad ignem & calefacit se.
Fallor, ah nimium fallor, ait enim: non novi illum. Dicat jam Aula:
Mentiri non est meum, quando vix aulam ingressus piscator illicò simulare
didicit & mentiri. Imò mentitus non est, sed verum dixit; utique non
noverat hominem, qui deserere poterat Deum hominem. Benè sedet
ad ignem, qui solem sequebatur à longè: & quos propè undas ardores con-
ceperat, propè prunas extinxit.*

Sic lethalis hiems paulatim in pectora venit. (z)

Sed

Verba miser frustra non proficientia fundo (a).

*Audio Homerum: re non verbis est opitulandum. Tenentes JESUM
duxerunt ad Caipham Principem Sacerdotum. Domine sequar te, quocuuque
ieris. (b) Sed heu me, heu Te Christe! Tribunal Caiphæ est consilium im-
piorum, via peccatorum, cathedra pestilentia, ubi Scribæ & Seniores conven-
runt. Habet suum unio ex Antisthene præconium, concordia mu-
vis fortior: Conciliat concordia insignis pretium illud Isæci Sophista ad
Lacedæmonios ex Homero: scutum hæst scuto, galea galea, atque vir viro:
(c) Sed unio est disunio, concordia discordia, quies iniquies, virtus vi-
tium, pax bellum, laus contumelia, præconium propudium, in violen-
ria,*

B

(u) *Genes. 19* (w) *Math. 16. 16.* (x) *Joan. 6. 69.* (y) *Luc. 22. 33.* (z) *Ovid. 1. 2. Met.* (a) *Ovid 1. Trist.* (b) *Math. 8. 19.* (c) *Philostr. in Soph.*

tia, in iniustitia, in blasphemia, in malevolentia, in odio, in trabali iniquitate. Dixit Caiphas: Expedi ut unus homo moriatur pro populo: (d) Principes Sacerdotum, & omne Concilium quærebant falsum testimonium contra JESUM, ut eum morti traderent (e). Sic qui se jactant Justitiæ, fiunt Ministri iniquitatis. Sic perversi resident celso mores solio, sanctaque calcant. Sic iniquitati succursum cietur mendacium, ut vas summi honoris abeat in contumeliam. Sic suâ venerandum canitie axioma: Quod decet non quod licet, cancri sortitur gressum: Quod licet, non quod decet. Sic ubi forent quærendæ virtuti, vitio laxantur habenæ. Sollemnissimè excipio contra Judices, qui & ipsi iniquissimi Actores: Tunc congregati sunt Principes Sacerdotum, & seniores populi in atrium Principis Sacerdotum, qui dicebatur Caiphas, & consilium fecerunt, ut JESUM dolo tenerent & occiderent. Denique timor, cupiditas, odium & amor Justitiæ illidunt pedem, ut abeat retrorsum. Timor: quid facimus? hic homo multa signa facit, totus mundus abit post eum. Sinite tenebriones, qui sequitur hunc, non ambulat in tenebris. Sinite Cæci, qui sequitur hunc, pes ejus stetit in via recta. Sinite omnis doli architecti, qui sequitur hunc, non abit in consilium impiorum, & non stat in via peccatorum. Sinite mortui, & Sepulchra dealbata, qui sequitur hunc, non moritur morte secundâ. Vestram bilance spoliavit Themidem Cupiditas placendi Cæsari. Radicatum in vobis ex erebo odium velut lethargo sopivit æquitatem; quia dictum vobis Væ: quia audistis: Hypocrita, Cæci, Duces Cæcorum, ex Patre Diabolo: Sed vestrâ culpâ hæc acciderunt. Sordidissimi vulgi, abjectissimæ plebeculæ, stultissimus peripsematis amor tantum vestras obturavit aures, nè audiretis sapientissimum illud monitum: Judex es, nè quid accusandus sis, vide (f). Viguit aliquando illud: Ordo Judicum vitijs careto, cæteris specimen esto (g). Habuit & illud pretij sui pondus: Judex habeat Sanctitatem, Justitiam & prudentiam (h); Ast vobis manet decantatum illud: Justitiæ fautores odio & invidiâ vincuntur (i). Dum fatigamini in fingenda calumnia non tam insulati quàm inflati Poëtæ, dum non inventam pravitatem suppletis vestrâ, ut infami literâ C Innocentissimum meum notetis reum, infames pronuntio, quibus Principum Judicumque portæ pateve non debent (k): Imò dum supremam Justitiam ex odio condemnatum properatis, supplicio dignos. (l) Stupent. Nunquid impio conamini

(d) Joan 11. 50. (e) Math. 26. 59. (f) Terent. (g) Heideman. (h) Piacius p. 2. de prob. c. 44. n. 4. (i) Lehman Polit. Aphorism p. 3. (k) Cic. de legib. Jas. in proem. feudorum 132. (l) Paris de Puteo: de Synd. in V. condemnatis.

mini sufflamen injeci? nihil minus! *oleum & operam perdididi, æthyopem lavi, semenem in saxo feci, Belidum urnas replevi, cancrum rectè procedere docui,*

Irrita ventosæ rapuerunt verba procellæ (m)

Et siccum sterili vomere litrus aro (n).

Quæritur, vocatur, cietur, cogitur, rapitur falsum testimonium. Quomodo (Deum Immortalem!) quomodo stabit avitus *Juris Finis: suum cuiq; tribuere (o)?* quomodo Judicium non radicatam in calumnijs, non genitum à nefasto nefas, non lactatum ab injuria, sed ab honestissimo *Jure dicendo (p)* natum, sumet incrementa, ut vivat posteritati? In vacuas aures questum facio! *Querebant falsum testimonium: O dolor! & non invenerunt: O grata spes! novissime autem venerunt duo falsi testes: O breve gaudium! & dixerunt: hic dixit: possum destruere templum Dei, & post triduum reedificare illud: O fulgur ex pelvi.* En literatos testes, totos literales; tam strictè amplectuntur literam, ut in spurio, *simias imitantis complexûs* amore altum gemat. Dudum his literatistis debebatur, ut toti fierent litera longa ex græco Π. Sed quid? *Animalis homo non percipit ea, quæ sunt spiritûs, (q).* Quid miuum? repudiata mundi luce, (r) non possunt non cæcutire, & in ægyptiacas cimmeriâsque offendere tenebras. Et arcadicum cerebrum novit sapientissima effata sugillare, trutinare oracula, Apollinis tripodem vocare in tentamen, ipsum Veritatis apicem dente Theonino rodere, dum passim obvius *reperitur censor dicti factique alieni, nemo sui; & jam vel:*

pueri nasum Rhinocerotis habent (s).

Denique:

Judicium vulgi insanum, & sine pectore turba. (t)

Hinc dudum reverentiæ suæ *capite diminutum, & cum longo naso ad pontum Nasonis, & Milonis barbato pisces deportatum est* illud aliquando in pretio acroama: *si quem laudare non potes, ne vitupera;* jam verò & vitium, & celsissima virtus parem subit libellam. *Possum destruere templum Dei.* Nabalitica glossa Jezabelicorum testium Solymæum Templum vel capillis rapit ad literam. Insuper ac perindè habito Sanctuario ludit cum velo: aspernato ac naufragato nucleo delectatur putamine: & dum appetiatur concha, *MAR-*

B 2

garita

(m) Ovid. (n) Idem Epist. (o) Vulsci. de Jud. lib. 1. c. 1. n. 7. (p) Vult hic, num. 30. (q) I Cor. 2. 14. (r) Joan. 8. (s) Martial. (t) Mart.

garita projicitur ante porcos (u). Adfuisse utinam illud Pictorum Alpha, & futurijs Commentatoribus appressisset digitum memorabili suâ gnomâ: nè ultra crepidam. Ut amplius nodus in scirpo, macula in sole, in circulo terminus, in suprema virtutis intensione quaratur culpa: fronte catonicâ, fulgurante oculo, arrectâ aure, stridente dente, ringentibus rictibus, corpore toto, toto spiritu ad hoc ficto & facto: ut *Jesum dolo teneant, & occidant*, toti præ furore famelici non currunt sed volant in verba immensi ponderis: *A modo videbitis Filium Hominis sedentem à dextris virtutis Dei, & venientem in nubibus Cæli.* Et quid inde? promellefel, pro malagmate vulnus: *Tunc Princeps Sacerdotum: blasphemavit, quid adhuc egemus testibus? reus est mortis.* O quàm sinistrè consonat Oraculo sententia, cujus nescitur Sacramentum! *Caipha: sapientiæ atas est condimentum, sapiens atati cibus. (w): Sapienti pauca. Mansuetudo Judicis est character, non furor; Scindis vestimenta. Qualem te dicam? furiosum nè an infantem? utrumque, nam: furiosus & infans æquiparantur (x); ex neutro potes esse Judex. Præcipitas in Jesum sententiam innoxie mortis; & tuam & alienam: præcipitans errando dolet; consilio adde moras, præcepta sententia fallit: Non laudis est Judici tulisse multas, sed encomij, justas dedisse sententias: Bisfrons est prudentia; prudens regit ita præsens ut cernat futurum, & suspendit consilium. Qui tardè judicat, raro decipitur: qui præcipitat, plerumque labitur. Præcepta lusum illudit. Astutus videt periculum, & absconditur: simplex præcipitat, & perditur. Nullus consiliarius melior tempore (y). Quod ratio non potuit, sæpe expedit mora. Judices in judicando decet plumbeus gressus. Quidquid non discutitur, Justitia non putatur. (z) Cunctator sit, qui judicat de salute: alia sententia potest corrigi, de vita transactum nihil immutari. (a) Et quis nescit duplici sale condiendum esse Judicium, uti scientiæ, sic conscientiæ (b)? Et illo caret, & hoc infulfillimus Caiphas, dum lata cum conciliabulo insistit sententiæ: *Reus est mortis. Sine illo dicitur insipidum, sine hoc diabolicum. Ubi ex suspitione vel præsumptione futili nemo condemnandus est, sed ex probatione luce clariori, cum de hominis vita agitur (c): ibi lata sententiæ præbet fulcrum arundineum scientia ex infamibus testibus, qui restari non possunt (d).* Arguo contra Processum:*

Quisquis omnia facit, quæ potest: in hoc est superbia.

Quisquis inquirit omnia, quæ nescit: in hoc curiositas.

Quis

(u) *Matth. 7. 6.* (w) *Plautus in trinumo.* (x) *Dig: l. 27. Tit. 3. de bonorum possess.*

(y) *S. Greg. Naz.* (z) *Cassiod. lib. 7. Epist. 8.* (a) *Cassiod.* (b) *Baldus.*

(c) *L. Fini; C. de probat.* (d) *L. 3. §. lege ff. de testibus.*

*Quisquis effudit omnia quæ scit: in hoc est stultitia.
 Quisquis dat omnia, quæ habet: in hoc prodigalitas.
 Quisquis iudicat omnia, quæ videt: in hoc est temeritas.
 Quisquis credit omnia, quæ audit: in hoc est:*

turpis, & Judicem dedecens inconstantia (e). Illud Judicium pectori altè infideat opporet:

*A scilicet l'altra parte, e credi poco:
 Alteram partem audi, & parum crede.*

Audin Caipha? Serpentis Paradisiaci genimen mendacium linguam habet Parentis: aliter sentit, loquitur aliter; quid mirum? *mendacium malis est loco veritatis: Non est venenatum toxicum, quam quod egreditur de ore & calido & frigido (f): malus, ubi iustum se simulat, tunc est pessimus (g): & male imperatur, cum regit vulgus duces (h). Coacervatis dolo malo in Christum contumeliam injuriandi animo (i), quia ex condicito eum dolo tenetis. Audio: malus semel, semper præsumitur malus: Sed præsumendus est nunquam, nunquam malus; & alterius odio nemo est prægravandus, nec puniendus aliquis sine culpa. Audio: In ore duorum vel trium testium stabit omne verbum (k), dolo non facit, quod quis mandato Judicis facit, cum habeat parere necesse: ast puniendum est consilium, quod ad perniciem probitatis trahitur (l), & ibi paratur interitus, ubi Magistratus imperat, leges obediunt (m). O præclaros integerrimosque Judices, qui ab ore mendacij pendent! Scilicet: *Iustitiâ induti sunt, vestiverunt se sicut vestimento & diademate iudicio suo (n), qui adeò Lethen hauserint, ut nesciant: facilius tolerari impunitum scelus quam innocentem negari locum defensionis; nec meminerint illud: nunquam innocentem iudicio capitis arcessas, id enim sine scelere nullo pacto fieri potest (o). Adverte Sapientissime Confessus: Caiphas non favet Christo aurem, Christus Caiphæ negat linguam: quærit Sacerdotum Princeps: non respondes quidquam ad ea, quæ tibi obijciuntur ab his? JEsus tacebat: nimirum:**

Conscia mens recti famæ mendacia ridet (p).

Ignis in aquam conjectus continuè extinguitur, & falsum crimen in purissimam vitam collatum statim concidit (q). Sed quàm dissona hæc: JEsus integer vitæ, scelerisque purus, ipsa Innocentia, ipsa Sanctitas: & reus est mortis.

B 3

Dura

(e) Weingarten Weisheit's; taffel in prodromo Spec Jud. (f) Tacitus lib. 1. Hist. (g) Pub. Syr. (h) Sen. off. (i) Treus. de priv. delict. Thesis s. Lit. B. (k) Matth. 18. 16. (l) L. Si quis servo C. de serv. corrupt. (m) Plato Dial. 4 de Legibus. (n) Job. 29 14. (o) Cic lib de offic. (p) Ovid. 4 Fastr. (q) Cic. pro Rosc.

Spectatum admissi risum teneatis amici

dum *extra territorium ius dicenti impunè non paretur*. Jugulo iniquissimum Processum per exceptionem contra falsos testes, per criminalem injuriarum actionem, per ipsum adeò crimen læsæ Majestatis; Excipio contra suspectos Judices, obtendo exceptionem doli mali peremptoriam causæ. Sed, quid multis? JESUS declinat forum. Forum? *Ubi quis delinquit, ibi puniendus: quod exemplo nocitum, pœnâ emendetur*. Audite rei, non Judices: ubi quis delinquit (distingvo: *si deliquit*) ibi puniendus, concedo: ubi exemplo nihil nocitum, pœnâ emendetur, nego. Ubi cessat omnis culpa, ibi cessat omne forum. Insuper, quodsi pro privilegio *Miles Magistrum militum* (r), *Illustres Principem* (s) fortiuntur Judicem, & *quæque miserabiles personæ ad Principem evocantur* (t); stat pro Christo privilegium omnium maximum, dum fori est nullius. Nullius fori? nec tui Caipha, nec ullius. Non tui *ex origine*, quia Nazaræus est: non *ex jure nascendi* quia Bethlehemita est, *non a domicilio*, quia non Jerosolymam, sed totum orbem habet domicilium, terram scabellum, cælum sedem. En fori nec tui Caipha, nec ullius. Adde, quod *Pater aut Patronus in jus vocari non debeat*. (u) quem putas tibi traditum? reum? malefactorem? scelerum architectum? *Pater est: si pater ego sum, ubi est honor meus* (w)? *Patronus est: habemus Advocatum* JESUM Christum Justum (x). *Dominus ac Magister est: Vos vocatis me Magister & Domine, & bene dicitis, sum etenim* (y). Caipha quid fecisti? an satis dare poteris per pœnam *quingenta aureorum*? Dimitte JESUM, non blasphemavit, *ego non quero gloriam meam, sed honorifico patrem meum* (z). Non prohibuit censam Cæsari: *Petre mitte hamum, tolle piscem, invenies in ore ejus statuerem, illum da pro me & te* (a). Non ambivit imperium: *nè esset Rex, fugit in montem* (b), nec Regem se fecit, *cujus Regnum non est de hoc mundo* (c). Ecce dum nihil Juris, nec Juris & de jure adfertur, justissima causa excitat rotulum in capite Caiphæ, dimittit JESUM, sed mittit eum Pilato. Quid hic *parturient montes?* ut video, *de plano, levato velo* procedetur. *Quam accusationem afferitis? si non esset hic malefactor, non tibi tradidissimus eum. Ego nullam in eo invenio causam: Emendatum dimittam*. Quid audio? *Si hunc dimittis,*

non

(r) L. penult. C. de Jurisd. (s) Leg. fin. C. ubi Senatus, & Clar. (t) L. un. C. quand. Imper. inter pupill. (u) L. 4. §. penult. & fin. ff. de in jus vocando. (w) Malach. 2. 6. (x) 1. Joan. 2. 1. (y) Joan. 13. (z) Job. 8. v. 49. 50. (a) Math. 17. 26. (b) Joan. 6. 15. (c) Joan. 18. 36.

non es amicus cæsaris. Sta Pilate! non aliud quam Palladium illud scutum pectori improme: non moveri (d). Grando rectis illiditur, sed diffilit: clades in firmum animum cadentes franguntur, non frangunt (e). Ast ecce Pilatus vertitur in horologium aliter indicans, aliter sonans: in gallum aliter scribentem, aliter enuntiantem. Jam non invenit causam, jam Jesum tradit voluntati eorum, ut crucifigatur. Sic, AA. patientissimi, Vivorum & mortuorum Judex subit jurisdictionem meri imperij apud reos; Sic Innocentia succubuit extremæ nocentiæ; sic Christus victus est, non convictus. Non cecidit causâ, nam habet intentum: Oblatus est, quia ipse voluit (f). Vixit Leo de tribu Juda (g) cadendo, nè cadat homo per peccatum ex lex in carcerem, ubi æternum reddat novissimum quadrantem. Adhuc multa habeo vobis dicere, sed non potestis portare modo (h). Peccavi in uno, dum de

Jesu Innocentia nocens

D I X I.

(d) Lipsius. (e) Tacit L. 13. Annal. c. 43. (f) Isaiæ 53. 7. (g) Apoc. 5. 5.
(h) Joan. 16. 12.



